

Proyekto Partikular di stimulashon ta duna aselerashon na ICT den enseñansa

WILLEMSTAD.-- Awe, dia 28 di òktober, 3'or di atardi den hotèl 't Klooster (Abraham de Veerstraat) Grassroots Foundation Curaçao ta lansa un grandioso proyekto di stimulashon ICT den enseñansa di Kòrsou.

E proyekto Grassroots Curaçao ta konsistí di dos parti.

Duna lisensia pa Software den enseñansa

Na Hulanda e servisionan

SLB ta responsabel pa lisensiamentu (haña e lisensia legalmente) di software di enseñansa. Hopi suministradó internashonal di software konosé un areglo spesial di software pa enseñansa. Na Hulanda e servisionan SLB ta agrupá ya pa 15 aña pedido i demanda pa software konosí pa uso na skolnan i na kas dor di dosente i studiante. Esaki ta nifiká ku enseñansa kompletu por hasi uso di hopi software

ofisial kontra di preisnan mínimo. Skolnan, dosentenan i studiantenan por hasi uso na preis di kosto, mayoria bes di entre 5 pa 20% di e preis di benta, por hasi uso di e software legal, ku tur bentaha ku esei ta tres kuné.

Manera por ehèmpel e vershonnan di mas nobo, updates etc. Hopi fabrikante di software ta ofresé na usuarionan legal un palèt grandi na método di lès,

treinen, 'template' i materialnan di sertifikashon. Promé ku esaki kaba den konsulta ku gobièrnu na Kòrsou e iniciativa a ser tumá pa hasi e mesun areglo akí tambe posibel pa e islanan di Antia. E intento akí, fuera di falta di Kòrsou, lásticamente no a logra kristalisá. P'esei a skohe pa un sistema nobo di operá. For di e iniciativa partikular akí lo start ku tres skol piloto. Esakinan lo risibí bastantefasilidat. E tres skolnan eita: Peter Stuyvesant College (DOS), Marnix College (VPCO) i Radulphus College (RKCS).

Stimulashon ICT- den enseñansa

Na e tres skolnan mensioná ta kuminsá ku un trayekto di stimulashon na un eskala grandioso. E dosentenan pa loke ta trata tereno di nan materia lo por entregá un proyekto di nivel abou di tamaño redusí ku tin e komponentenan kla di ICT. Grassroots Curaçao ta pone pa kada proyekto un montante di NA f 1000,-

disponibel. E suma akí lo por keda usá kompletamente pa e proyekto ku a keda entregá.

E proyektonan Grassroots a start na Canada i ta aya i na hopi otro pais na mundu un gran éksito. E manera di operá di Grassroots ta resultá di ta un di e maneranan mas eksitoso pa siña pone dosentenan realmente riba e kaminda. GrassRoots Curaçao ke inspirá dosentenan i yuda nan pasa e drèmpi pa inová nan enseñansa ku yudansa di ICT. E tres skolnan akí kada un tin mag di entregá i ehikutá e aña eskolar akí 2009/2010 15 proyekto. Kuminsando aña eskolar 2010/2011 ta intension ku enseñansa kompletu na Kòrsou (enseñansa Avansá i Fundeshi) lo tin mag di partisipá. Durashon di e proyekto ainda no ta kompletamente fihá, e inisiadónan ta garantisá en todo kaso un temporada di ehekushon di tres aña. Pa henter e proyekto akí a lanta entretantu e fundashon Grassroots Foundation Curaçao.